

২ ফেব্রুয়ারি ২০২০ইং

সংবাদ বিজ্ঞপ্তি

আশকোনা কোয়ারান্টাইন কেন্দ্র

চীন থেকে আগত ৩০২ জন যাত্রীর সবাই শেষ খবর পাওয়া পর্যন্ত সুস্থ আছেন।

কুর্মিটোলা জেনারেল হাসপাতাল

কুর্মিটোলা জেনারেল হাসপাতালে জ্বর নিয়ে ভর্তি হওয়া ৭ জনের অবস্থা শেষ খবর পাওয়া পর্যন্ত স্থিতিশীল আছে।

করোনা ভাইরাস মোকাবেলায় স্বাস্থ্য মন্ত্রণালয়ের সংগ নিরোধ (কোয়ারান্টাইন) ব্যবস্থাপনা কোর কমিটি

স্বাস্থ্য ও পরিবার কল্যাণ মন্ত্রণালয়ের স্বাস্থ্য সেবা বিভাগ এক প্রজ্ঞাপনে অতিরিক্তি সচিব (প্রশাসন) জনাব হাবিবুর রহমানকে আহ্বায়ক ও ঢাকা জেলার সিভিল সার্জন ডা. মঈনুল আহসানকে সদস্য-সচিবের দায়িত্ব প্রদান করে ১৯ সদস্য বিশিষ্ট কমিটি গঠন করা হয়। কমিটি প্রয়োজনে সদস্য কো-অপ্ট করা হবে।

সার্বিক পরিস্থিতি

গতকাল ৩১২ জন বাংলাদেশী নাগরিকদের নিয়ে বাংলাদেশ বিমানের বিশেষ ফ্লাইটে দেশে ফিরে আসেন। দেহের তাপমাত্রা বেশী থাকায় এদের মধ্যে ৭ জনকে কুর্মিটোলা জেনারেল হাসপাতালে ভর্তি করা হয়েছে। এক জনকে সম্মিলিত সামরিক হাসপাতালে (সিএমইচ) ভর্তি করা হয়েছে অন্য ধরনের অসুস্থতার কারণে। দুই জন সম্মিলিত সামরিক হাসপাতালে ভর্তি রোগীর পরিবারের সদস্য, তারা রোগীর পরিচর্যাকারী হিসেবে সেখানে আছেন। হাসপাতালে উক্ত ৮ জন বর্তমানে চিকিৎসাধীন আছেন। আশকোনাতে থাকা ৩০২ জনের মধ্যে এ পর্যন্ত কোন যাত্রীর মধ্যে করোনা ভাইরাস সংক্রমণের লক্ষণ পাওয়া যায় নাই। পরবর্তীতে কোন লক্ষণ দেখা দিলে সেনাবাহিনী ও স্বাস্থ্য অধিদপ্তরের বিশেষ দল প্রয়োজনীয় ব্যবস্থা গ্রহণে এবং ২০১৯-nCoV সংক্রমণ সনাক্তকরণের জন্য প্রয়োজনীয় নমুনা সংগ্রহের জন্য আইইডিসিআরএর একটি দল প্রস্তুত রয়েছে। ২০১৯-nCoV সংক্রান্ত পরিস্থিতি মোকাবেলার জন্য কুর্মিটোলা জেনারেল হাসপাতাল, সংক্রামক ব্যাধি হাসপাতাল ও কুয়েত বাংলাদেশ মৈত্রি সরকারি হাসপাতাল সার্বক্ষণিক প্রস্তুত রাখা হয়েছে।

উল্লেখ্য, গত কয়েক সপ্তাহ যাবত চীনসহ পৃথিবীর বিভিন্ন দেশে নতুন একটি করোনা ভাইরাসের প্রাদুর্ভাব দেখা দিয়েছে। এ সম্পর্কে বাংলাদেশ সরকারের স্বাস্থ্য ও পরিবার কল্যাণ মন্ত্রণালয় সম্পূর্ণ পরিস্থিতি পর্যবেক্ষণ করছে এবং প্রয়োজনীয় ব্যবস্থা গ্রহণ করেছে। ২০১৯-nCoV পরিস্থিতি মোকাবেলা করার জন্য আইইডিসিআরের নীচতলায় কন্ট্রোল রুম স্থাপন করা হয়েছে।

চীন থেকে ফিরে আসা বাংলাদেশী নাগরিকদের অভিভাবক ও পরিবারের সদস্যবৃন্দকে আতঙ্কিত না হওয়ার এবং বিমানবন্দর ও আশকোনা হাজী ক্যাম্প এলাকায় অবস্থান না করার জন্য বিশেষ ভাবে অনুরোধ জানানো যাচ্ছে।

আশকোনা হাজী ক্যাম্পে অবস্থানরত চীন থেকে ফিরে আসা বাংলাদেশী নাগরিকদের স্বাস্থ্যগত তথ্য তাদের অভিভাবক ও পবিরারের সদস্যবৃন্দকে নিয়মিতভাবে অবহিত করা হবে।

২০১৯-nCoV সংক্রান্ত সর্বশেষ পরিস্থিতিঃ (২ ফেব্রুয়ারি ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
এ পর্যন্ত বিমান বন্দরে চীন থেকে আগত ক্রিনিংকৃত যাত্রীর সংখ্যা	৩০২	৫৬৩১
ক্রিনিংএর মাধ্যমে বিমান বন্দরে সনাক্তকৃত সন্দেহজনক রোগীর সংখ্যা	০	০
আইইডিসিআর হটলাইন এ মোট কলএর সংখ্যা	১৫০	৪৬৮
আইইডিসিআর হটলাইন এ ২০১৯-nCoV সংক্রান্ত মোট কলএর সংখ্যা	১২৭	২৫৩
আইইডিসিআর এ আগত ২০১৯-nCoV সংক্রান্ত মোট সেবাগ্রহীতার সংখ্যা	০৬	২৮
২০১৯-এন কোভি পরীক্ষা করা মোট নমুনার সংখ্যা	-	৩৪
নিশ্চিতকৃত nCoVএর মোট রোগীর সংখ্যা	০	০

প্রয়োজনে আইইডিসিআর-এর হটলাইন নম্বর এ যোগাযোগকরুন :

০১৯২৭৭১১৭৮৪, ০১৯২৭৭১১৭৮৫, ০১৯৩৭০০০০১১, ০১৯৩৭১১০০১১

স্বা/ =

অধ্যাপক ডাঃ মীরজাদী সেব্রিনা ফ্লোরা

পরিচালক

ফোন নম্বরঃ ০২-৯৮৪২২৭০